



Na osnovu člana 16. Zakona o dopunskim pravima branitelja i članova njihovih obitelji drugi prečišćeni tekst, ("Službene novine Tuzlanskog kantona", br.: 10/20), člana 21. Odluke o utvrđivanju uslova, kriterija i postupka za dodjelu finansijskih sredstava u svrhu osiguravanja povoljnijih uslova za zapošljavanje branilaca i članova njihove porodice, ("Službene novine Tuzlanskog kantona", br.: 9/19, 3/20 i broj: 02/1-02-024473-20 od 10.11.2020. godine) i člana 10. Programa korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2020. godini, broj:02/1-02-23726/20 od 03.11.2020. godine, Ministarstvo za boračka pitanja Tuzlanskog kantona objavljuje

**DRUGI PONOVLJENI JAVNI POZIV  
za dodjelu bespovratnih finansijskih sredstava u svrhu  
ZAPOŠLJAVANJA branilaca i članova njihove porodice Tuzlanskog kantona**

**I Korisnici prava po ovom Konkursu**

(1) Pravo na dodjelu finansijskih sredstava u svrhu zapošljavanja branilaca i članova njihove porodice (u daljem tekstu: sredstva) po ovom drugom ponovljenom javnom pozivu imaju:

- a) privredna društva registrovana kod nadležnog organa shodno Zakonu o privrednim društvima („Službene novine Federacije Bosne i Hercegovine“, broj: 81/15) i
- b) fizička lica koja obavljaju, obrtničku ili srodnu djelatnost u skladu sa Zakonom o privrednim društvima (Službene novine Federacije Bosne i Hercegovine“, broj: 81/15) odnosno obrtničku ili srodnu djelatnost u skladu sa Zakonom o obrtu i srodnim djelatnostima („Službene novine Federacije Bosne i Hercegovine“, br.: 35/09 i 42/11), Uredbom o vezanim i posebnim obrtima („Službene novine Federacije Bosne i Hercegovine“, br.: 66/09, 62/10 i 16/12) i Uredbom o zaštiti tradicionalnih i starih zanata („Službene novine Federacije Bosne i Hercegovine“, br.: 66/09, 38/10 i 16/12).

(2) Kandidati iz stava (1) ove tačke pravo na sredstva mogu ostvariti samo ukoliko izvrše zapošljavanje lica iz člana 1. Zakona o dopunskim pravima branitelja i članova njihovih obitelji, odnosno članove porodica šehida, poginulih, umrlih i nestalih branilaca; ratne vojne invalide; dobitnike ratnih priznanja i odlikovanja; demobilisane braniocima, mirnodopske vojne invalide, kao i članovi porodice ratnog vojnog invalida, dobitnika ratnog priznanja i odlikovanja, mirnodopskog vojnog invalida i demobilisanog branioca (u daljem tekstu: kandidat), a koji se nalaze u evidenciji JU Službe za zapošljavanje Tuzlanskog kantona (u daljem tekstu: Služba).

**II Planirana sredstva**

(1) Ukupno preostala sredstava za zapošljavanje iznose 160.000,00 a dodjeljivat će se se kao:

- a) grant po 30.000,00 KM za program čija je investicija minimum 60.000,00 KM (min broj uposlenih tri radnika)
- b) grant po 20.000,00 KM za program čija je investicija minimum 40.000,00 KM (min broj uposlenih dva radnika)i
- c) grant po 10.000,00 KM za program čija je investicija minimum 20.000,00 KM (min broj uposlenih jedan radnik).

(2) Privredno društvo ili registrirana lica koja obavljaju obrtničku ili srodnu djelatnost mogu aplicirati samo za jedan grant.

**III Uslov za dodjelu sredstava**

- (1) Pravo na dodjelu sredstava po ovom drugom ponovljenom javnom pozivu **ima** kandidat pod uslovom da:
  - (2) je registrovan kod nadležnog organa shodno Zakonu o privrednim društvima odnosno, u skladu sa Zakonom o obrtu i Uredbom o vezanim i posebnim obrtima te obrtnici koji obavljaju obrtničku djelatnost sukladno sa Uredbom o zaštiti tradicionalnih i starih zanata,
  - (3) ima sjedište, djeluje i/ili rade na prostoru Kantona,
  - (4) u skladu sa svojim investicionim programom planira otvaranje novih radnih mjesta na koja bi zaposlio lica iz člana 3. stav (1) ove odluke,
  - (5) registrovana djelatnost ne spada u oblast priređivanja igara na sreću,
  - (6) je po strukturi kapitala sa najmanje 51% privatnog kapitala,
  - (7) da je izmirio ili ugovorom reprogramirao obaveze prema fondovima (porezi i doprinosi) zaključno sa 31.12. prethodne godine,
  - (8) da će investicionim programom za koji se traže sredstva realizovati najkasnije 90 dana od dana prenosa sredstava iz ugovora,
  - (9) da su za realizaciju investicionog programa obezbijedena vlastita sredstva najmanje od 50% predviđenih ulaganja u investiciju,
  - (10) ako je u ranijem periodu koristio pozajmice od Vlade Kantona, da je iste vratio ili na drugi način regulisao (potvrda od kantonalnog Ministarstva finansija) i
  - (11) u posljednjih šest mjeseci, do dana objavljivanja javnog poziva pa do isteka ugovornog perioda, nije smanjio broj zaposlenih lica, osim uslučajevima opravdano upražnjenih radnih mjesta (otkaz na vlastiti zahtjev radnika, penzionisanje, nesposobnost za rad).
- (2) Investicioni program za obavljanje djelatnosti - biznis plan iz stava (1) tačka f) ovog člana treba da sadrži: naziv investicije, visinu investicije, opis namjene sredstava, vlastito učešće i ekonomski efekt investicije).

#### **IV Ograničenje prava na dodjelu sredstava za zapošljavanje**

- Pravo na dodjelu sredstava po ovom drugom ponovljenom javnom pozivu **nema** kandidat koji:
- a) je koristio kreditna ili bespovratna sredstva iz poticajnih mjera Službe, budžeta bilo kojeg nivoa vlasti, a nije ispoštovao obaveze u skladu sa zaključenim ugovorom, odnosno nije zaposlio predviđeni broj radnika i ne vraća redovno dobivena sredstva, ne izmiruje redovno obaveze po osnovu poreza i doprinosa,
  - b) je evidentiran u Registru novčanih kazni zbog duga neplaćenih novčanih kazni i troškova postupka izrečenih radi učinjenog prekršaja jer sa zaposlenikom nije zaključio ugovor o radu („rad na crno“),
  - c) obavlja djelatnost koja je iz oblasti priređivanja igara na sreću,
  - d) je koristio sredstva za samozapošljavanje/zapošljavanje po prethodnim programima ovoga Ministarstva, a za ista nije istekao ugovoreni rok i
  - e) ima pokrenut postupak stečaja ili likvidacije.

#### **V Kriteriji za dodjelu sredstava za zapošljavanje**

Lista kandidata se utvrđuje na osnovu ostvarenog broja bodova utvrđenog po osnovu sljedećih kriterija:

- a) vlastito učešće u konstrukciji finansiranja i
- b) vrsta djelatnosti.

#### **VI Prioritet za dodjelu sredstava za zapošljavanje**

Ukoliko na preliminarnoj rang listi dva ili više kandidata imaju isti ukupan broj bodova, prednost kod dodjele sredstava ima kandidat koji:

- a) ima veće vlastito učešće u konstrukciji finansiranja,
- b) ima registrovanu pretežno proizvodnu djelatnost,
- c) zapošljava veći broj novouposlenih lica spram odobrenih finansijskih sredstava.

## **VII Način isplate odobrenih sredstava**

(1) Sredstva odobrena kandidatu za zapošljavanje mogu se isplatiti tek kada kandidat potpiše ugovor kojim se obavezuje da će ista utrošiti namjenski prema podnesenom zahtjevu.

(2) Ugovor iz stava (1) zaključuje se na period od najmanje 24 mjeseca.

(3) Sredstva odobrena za zapošljavanje isplaćuju se poslodavcu prema dostavljenom predračunu ili računu za plaćanje osnovnih sredstava za rad, nabavku opreme, alata, repromaterijala i dr., kao i za plaćanje poreza i doprinosa za novouposlena lica i dr..

(4) U realizaciji odobrenih sredstava korisnici prava 20% sredstava, od ukupog odobrenog iznosa, mogu koristiti za ostale troškove koji nisu navedeni u stavu (3) ove tačke.

## **VIII Obaveze poslodavca**

(1) Poslodavac koji koristi sredstva ne može tokom ugovorenog perioda smanjiti broj zaposlenih u odnosu na broj zaposlenih koji je imao na dan 31.03. tekuće godine uvećan za broj novozaposlenih lica.

(2) Ako tokom trajanja radnog odnosa nastupe okolnosti uslijed kojih poslodavac ne ispunjava neki od uslova iz tačke I ovog poziva, poslodavac gubi pravo na sredstva danom prestanka ispunjavanja uslova i dužan je u roku od 30 dana od dana prestanka ispunjavanja uslova Ministarstvu vratiti cjelokupan iznos sredstava.

(3) Ako nadležna Služba, nadležna inspekcija ili porezna uprava utvrde da je došlo do smanjenja broja zaposlenih i da poslodavac nije postupio u skladu sa tačkom I ovog poziva, poslodavac je dužan da pored vraćanja iznosa iz stava (2) ovog člana uplati i pripadajuću zakonsku kamatu u skladu sa važećim propisima.

(4) Za vrijeme trajanja perioda za koji prima sredstva, poslodavac ne može smanjiti broj zaposlenih lica, osim iz razloga više sile (elementarne nepogode, požar, donošenje i izmjena propisa koji direktno utiču na poslovanje poslodavca), penzionisanja ili dobrovoljnog otkaza zaposlenika.

(5) Ako tokom perioda za koji se osiguravaju sredstva poslodavac raskine ugovor o radu sa primljenim licem dužan je u roku od tri dana o tome obavijestiti Ministarstvo, te u roku od 15 dana od dana nastanka te okolnosti zaključiti ugovor o radu sa drugim nezaposlenim licem koje ispunjava uslove iz Odluke o utvrđivanju uslova, kriterija i postupka za dodjelu finansijskih sredstava u svrhu osiguravanja povoljnijih uslova za zapošljavanje branilaca i članova njihove porodice, na preostali period ugovorne obaveze.

(6) U slučaju zaključivanja ugovora o radu sa drugim (zamjenskim) nezaposlenim licem poslodavac je dužan odmah, a najkasnije u roku od tri dana od dana zaključenja ugovora dostaviti kopiju ugovora o radu i kopiju prijave na obavezna osiguranja (Obrazac JS 3100) Ministarstvu i Službi.

## **IX Potrebna dokumentacija u svrhu zapošljavanja**

Uz zahtjev za dodjelu bespovratnih sredstava u svrhu zapošljavanja, kandidat je obavezan priložiti sledeću dokumentaciju:

**Popis potrebne dokumentacije  
uz zahtjev za dodjelu bespovratnih sredstava u svrhu ZAPOŠLJAVANJA  
branilaca i članova njihovih porodica**

Redni broj:	Naziv dokumenta	Organ koji ga izdaje dokument
(1)	Rješenje o registraciji privrednog društva odakle se jasno može utvrditi da je registriran i oblik vođenja djelatnosti ( <i>original ili ovjerena fotokopija</i> )	Kantonalni sud

(2)	Rješenje o registraciji od nadležnog općinskog organa odakle se jasno može utvrditi da je obrt registriran i oblik vođenja djelatnosti ( <i>original ili ovjerena fotokopija</i> )	Nadležni gradski/općinski organ
(3)	investicioni program za obavljanje djelatnosti - biznis plan; Investicioni Program (kratak prikaz u tabeli, naziv investicije, visina investicije, opisa namjene sredstava vlastito učešće i ekonomski efekt investicije)	
(4)	bilans stanja i uspjeha / knjigu prihoda i rashoda („KPIR“) za posljednju godinu odnosno za period od registracije privrednog društva ili pokretanja samostalne djelatnosti ( <i>original ili ovjerena fotokopija</i> )	Porezna uprava F BiH Ispostave porezne uprave po Grada/općine
(5)	Uvjerenje/potvrdu o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave FBiH ne starije od tri mjeseca od dana podnošenja prijave ( <i>original ili ovjerena fotokopija</i> )	Uprava za indirektno oporezivanje, Porezna uprava F BiH Ispostave porezne uprave Grada/općine
(6)	Uvjerenje o poreznoj registraciji – ID broj ( <i>original ili ovjerena fotokopija</i> )	Porezna uprava F BiH Ispostave porezne uprave Grada/općine
(7)	Potvrdu o izmirenju ili ugovorom reprogramiranih obaveza po osnovu poreza i doprinosa (iz Poreske uprave - Kantonalni ured u Tuzli)	Porezna uprava F BiH Ispostave porezne uprave Grada/općine
(8)	Lista osiguranih lica za obveznika uključujući i podatak o objavljenim licima	Porezna uprava F BiH Ispostave porezne uprave Grada/općine
(9)	Ovjerena izjava pod materijalnom i moralnom odgovornošću da je ranije korištena kreditna ili bespovratna sredstva iz poticajnih mjera Službe, budžeta bilo kojeg nivoa vlasti uredno izmirio/izmiruje, odnosno da ista nije koristio	Ovjerena izjavu pod materijalnom i moralnom odgovornošću da
(10)	Ovjerena izjavu pod materijalnom i moralnom odgovornošću da društvo za prijem radnika po ovom Javnom pozivu neće koristiti i sredstva po Programima drugih ministarstava TK za poticaj zapošljavanja i Programa Javne ustanove “Službe za zapošljavanje” TK, a koji se odnosi na podsticaj zapošljavanja	Nadležna služba Grada/općine ili notar
(11)	Ovjerena izjavu pod materijalnom i moralnom odgovornošću o početku realizacije Programa, u roku od 30 dana od momenta potpisivanja Ugovora	Nadležna služba Grada/općine ili notar
(12)	Ovjerena izjavu pod materijalnom i moralnom odgovornošću o broju radnika koji će se zaposliti	Nadležna služba Grada/općine ili notar

Napomena: Izjave iz tačaka 9) 10), 11) i 12) podnosioc zahtjeva može dati na jednoj ovjerenoj ispravi.

### **X Rokovi za podnošenje zahtjeva**

(1) Prijave na drugi ponovljeni javni poziv sa potrebnom dokumentacijom, podnose se putem Ureda za zajedničke poslove kantonalnih organa uprave, Ministarstvu za boračka pitanja, u roku od 15 dana od dana objavljivanja javnog poziva.

(2) Utvrđivanje određenih činjenica i dokaza iz pojedinih zahtjeva vrše se i uzimaju u razmatranje onakve kakve su postojale u momentu - danu zaključivanja javnog poziva.

(3) Obrazac jednoobraznog zahtjeva zainteresovani kandidat može preuzeti na/u:

- web-stranici Ministarstva,
- Ministarstvu i
- općinskim službama za boračko invalidsku zaštitu.

(4) Popunjeni obrazac jednoobraznog zahtjeva sa svim priložima predaje se putem pošte ili na pisarnicu Ureda za zajedničke poslove kantonalnih organa uprave, Ministarstvo za boračka pitanja

Tuzlanskog kantona,

Rudarska broj: 57., 75 000 Tuzla

[sa naznakom]

*"Prijava na drugi ponovljeni javni poziv za dodjelu finansijskih sredstava u svrhu  
zapošljavanja branilaca i članova njihove porodice"*

**Javni poziv je otvoren počev od 11.11.2020. godine do 26.11.2020. godine.**

Nepotpuni i neblagovremeni zahtjevi neće se razmatrati.